

nost na Pravilnik za ostvarivanje prava na jednokratnu novčanu pomoć za socijalne i druge potrebe branilaca i članova njihovih porodica.

Član 2.

Ova Odluka stupa na snagu danom objavlјivanja na službenoj oglasnoj tabli Kantona, a naknadno će se objaviti u „Službenim novinama Bosansko-podrinjskog kantona Goražde“.

Broj: 03-11-1064/24
10. 5. 2024. godine
P R E M I J E R
Edin Ćulov, s.r.
G o r a ž d e

552

Na osnovu članova 56. i 66. stavovi (1) i (2) Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05), člana 3. stav (3), 57. stav (2) i člana 72. Zakona o dopunskim pravima branilaca i članova njihovih porodica u Bosansko-podrinjskom kantonu Goražde („Službene novine Bosansko-podrinjskom kantonu Goražde“, broj: 2/24, 3/24 - Ispravka i 4/24), ministar za boračka pitanja Bosansko-podrinjskog kantona Goražde, **d o n o s i:**

P R A V I L N I K Z A O S T V A R I V A N J E P R A V A N A J E D N O K R A T N U N O V Č A N U P O M O Ć Z A S O C I J A L N E I D R U G E P O T R E B E B R A N I L A C A I Č L A N O V A N J I H O V I H P O R O D I C A

POGLAVLJE I - OSNOVNE ODREDBE

Član 1. (Predmet Pravilnika)

Ovim se Pravilnikom definišu vi-

dovi i korisnici prava, uređuje način i uvjeti za ostvarivanja prava, objava javnog poziva, podnošenje zahtjeva, obavezna dokumentacija, postupak i kriteriji za ostvarivanje prava, način realizacije i finansiranje prava, kao i druga pitanja od značaja za ostvarivanje prava na jednokratnu novčanu pomoć za socijalne i druge potrebe branilaca i članova njihovih porodica (u daljem tekstu: jednokratna pomoć).

Član 2. (Vidovi prava)

- (1) Pravo na jednokratnu pomoć iz člana 1. ovog Pravilnika može se ostvariti u sljedećim vidovima:
 - a) dodjela novčanih sredstava za rješavanje socijalnih potreba (zadovoljavanje osnovnih životnih potreba);
 - b) dodjela novčanih sredstava za odlažak na ekskurziju djece pripadnika boračkih populacija lošeg imovnog stanja;
 - c) dodjela novčanih sredstava za prevazilaženje vanrednih okolnosti prouzrokovanih nesretnim slučajem ili elementarnim nepogodama (saobraćajna nesreća, poplava, požar, suša, klizište, potres, udar groma i sl.);
 - d) pružanje pomoći osumnjičenim i optuženim bivšim pripadnicima Armije BiH u predmetima ratnih zločina do pravosnažnosti presude.
- (2) Korisnici prava u toku jedne budžetske godine mogu ostvariti samo jedan od vidova pomoći navedenih u stavu (1) ovog člana.

Član 3. (Korisnici prava)

Pravo na jednokratnu pomoć iz

člana 1. ovog Pravilnika mogu ostvariti lica iz člana 1. Zakona o dopunskim pravima branilaca i članova njihovih porodica („Službene novine Bosansko-podrinjskog kantona Goražde“, broj: 2/24, 3/24-Ispravka i 4/24, u daljem tekstu: Zakon), kao lica zaslužna u odbrambeno - oslobođilačkom ratu sa područja Bosansko-podrinjskog kantona Goražde (u daljem tekstu: Kanton).

Član 4. (Rodna ravnopravnost)

Izrazi koji su radi preglednosti dati u jednom gramatičkom rodu u Pravilniku bez diskriminacije se odnose na muški i ženski spol.

POGLAVLJE II - NAČIN I UVJETI ZA OSTVARIVANJE PRAVA

Član 5. (Objava javnog poziva)

Ministarstvo za boračka pitanja Bosansko-podrinjskog kantona Goražde (u daljem tekstu: Ministarstvo) za svaku godinu nakon usvajanja Budžeta Kantona, objavljuje javni poziv za ostvarivanje prava na dodjelu jednokratne pomoći braniocima i članovima njihovih porodica.

Član 6. (Način podnošenja zahtjeva)

(1) Zahtjev za ostvarivanje prava na dodjelu jednokratne pomoći, lica iz člana 2. ovog Pravilnika (u daljem tekstu: podnosioci zahtjeva) podnose Ministarstvu na propisanom obrascu najkasnije do 30. novembra tekuće godine.

(2) Podneseni zahtjev za ostvarivanje prava iz stava (1) ovog člana važi za budžetsku godinu u kojoj je podnijet.

(3) Ministarstvo zadržava pravo da može obustaviti zaprimanje zahtjeva za ostvarivanje prava na dodjelu jednokratne pomoći ako je zaprimljen veći broj zahtjeva u odnosu na raspoloživa budžetska sredstva za ovu namenu.

Član 7. (Opći uvjeti za ostvarivanje prava)

(1) Pravo na jednokratnu novčanu pomoć mogu ostvariti podnosioci zahtjeva ukoliko ispunjavaju sljedeće opće uvjete:

- da im je od strane nadležnog organa priznato svojstvo lica iz člana 1. Zakona;
- da imaju prijavljeno prebivalište, odnosno boravište na području Kantona ili općinama u Republici Srbkoj definisanim u članu 1. stav (2) Zakona najmanje tri godine neprekidno prije podnošenja zahtjeva za ostvarivanje prava.

(2) Pod pojmom „neprekidno“ iz stava (1) tačka b) ovog člana podrazumijevaju se i prekidi u prebivalištu/boravištu ne duži od tri mjeseca u toku jedne kalendarske godine, ukoliko se isti odnose na prijavu u prijeratna prebivališta.

(3) Izuzetno, jednokratna pomoć iz člana 2. stav (1) tačka d) ovog Pravilnika se može dodijeliti i podnosiocima zahtjeva koji nemaju trenutno prebivalište/boravište definisano u sta-

vu (1) tačka b) ovog člana, pod uvjetom da su kao pripadnici IBOG-a ili 81. divizije ARBiH učestvovali u odbrani Bosne i Hercegovine u nekom periodu od 18. 1. 1991. do 23. 12. 1996. godine.

Član 8.

(Posebni uvjeti za dodjelu novčanih sredstava za rješavanje socijalnih potreba)

- (1) Posebni uvjeti za dodjelu novčanih sredstava za rješavanje socijalnih potreba su:
 - a) da ukupna novčana neto primanja podnosioca zahtjeva, uključujući i primanja po osnovu socijalne i boračko - invalidske zaštite, ne prelaze visinu od 20% prosječne neto plaće isplaćene u Federaciji BiH u prethodnoj godini;
 - b) da podnositelj zahtjeva nije u radnom odnosu ili da nema riješen radno - pravni status (preduzeća u stečaju i likvidaciji, preduzeća čiji su računi blokirani, sudski sporovi iz domena radnih odnosa i sl.);
 - c) da podnositelj zahtjeva nije korisnik prava na novčanu naknadu za vrijeme nezaposlenosti ili mješevne novčane naknade demobilisanim branioncima (novčane egzistencijalne naknade) na federalnom ili kantonalm nivou;
 - d) da podnositelj zahtjeva ili umrli nositelj prava na osnovu kojeg se podnosi zahtjev nemaju neizmirenih obaveza po osnovu dodijeljenih sredstava od strane Ministarstva za zapošljavanje/samo-zapošljavanje ili rješavanje stambenih potreba.

(2) Izuzetno, u slučaju postojanja posebnih okolnosti koje podnosioca zahtjeva stavlja u težak socijalno-ekonomski položaj koji dovodi u pitanje njegov normalan život, mogu se dodjeliti novčana sredstva za rješavanje njegovih socijalnih potreba i ako ne ispunjava neki od uvjeta navedenih u stavu (1) ovog člana, o čemu odlučuje ministar za boračka pitanja Bosansko-podrinjskog kantona Gorazde (u daljem tekstu: ministar).

Član 9.

(Obavezna dokumentacija za dodjelu novčanih sredstava za rješavanje socijalnih potreba)

- (1) Obavezna dokumentacija koju dostavlja podnositelj zahtjeva za dodjelu novčanih sredstava za rješavanje socijalnih potreba jeste:
 - a) dokaz o priznatom statusu lica iz člana 1. Zakona:
 - za korisnike lične i porodične invalidnine: rješenje ili uvjerenje o priznatom statusu izdato od strane nadležnog organa;
 - za djecu šehida i poginulih branilaca: uvjerenje nadležnog organa da je u svojstvu djeteta šehida/poginulog branionca bilo korisnik prava na porodičnu invalidninu;
 - za demobilisane branioce: uvjerenje o vremenu provedenom u OSARBiH u trajanju od najmanje jednu godinu - obrazac FMB-3A;
 - za dobitnike ratnih priznanja i odlikovanja: uvjerenje nadležnog organa o dodjeli ratnog priznanja i odlikovanja;

- za supruge umrlih demobilisanih branilaca: izvod iz matične knjige rođenih, izvod iz matične knjige vjenčanih, izvod iz matične knjige umrlih za umrlog demobilisanog branjoca po osnovu kojeg se ostvaruje pravo, uvjerenje na obrascu FMB-3A – izdato od nadležene grupe/samostalnog izvršioca za pitanja evidencija iz vojne obaveze da je umrli demobilisani branilac po osnovu kojeg se ostvaruje pravo, bio pripadnik Armije R BiH najmanje 12 mjeseci;
 - b) uvjerenje o kretanju za podnosioca zahtjeva;
 - c) dokaz da se podnositelj zahtjeva nalazi na evidenciji Službe za zapošljavanje Bosansko-podrinjskog kantona Goražde i da nije korisnik novčane naknade za vrijeme nezaposlenosti, ukoliko se nalaze na evidenciji Službe ili dokaz o ukupnim mjesecnim primanjima podnosioca zahtjeva po osnovu radnog odnosa, boračko – invalidske zaštite, socijalne zaštite, penzije, samostalne djelatnosti i drugih osnova;
 - d) dokaz da podnositelj zahtjeva nije korisnik prava na novčanu egzistencijalnu naknadu izdat od strane nadležne službe za boračko – invalidsku zaštitu;
 - e) dokaz da podnositelj zahtjeva nema duga po osnovu javnih prihoda izdat od strane poreske uprave ili dokaz da ima sklopljen sporazum sa poreskom upravom o izmirenju obaveza sa dokazima o urednom izmirenju obaveza;
 - f) potvrda banke o otvorenom računu;
 - g) ostali potrebni dokazi relevantni za odlučivanje o pravu u svakom konkretnom slučaju.
- (2) Kao dokazi iz stava (1) ovog člana dostavljaju se originali ili ovjerene fotokopije dokumenata ne stariji od 30 dana, izuzev dokumentacije trajnog karaktera.
- (3) Ministarstvo će po službenoj dužnosti pribaviti dokumentaciju iz stava (1) ovog člana kojom se dokazuju činjenice o kojima se vodi službena evidencija.
- Član 10.**
- (Posebni uvjeti za dodjelu novčanih sredstava za odlazak na ekskurziju djece pripadnika boračkih populacija lošeg imovnog stanja)**
- Posebni uvjeti za dodjela novčanih sredstava za odlazak na ekskurziju djece pripadnika boračkih populacija lošeg imovnog stanja su:
- a) da ukupna novčana neto primanja podnosioca zahtjeva i članova njegove uže porodice, uključujući i primanja po osnovu socijalne i boračko - invalidske zaštite, po članu domaćinstva ne prelaze visinu 35% prosječne neto plaće isplaćene u Federaciji BiH u prethodnoj godini;
 - b) da dijete podnosioca zahtjeva za koje se traži jednokratna pomoć pohađa završni razred osnovne ili srednje škole i da je od strane škole organiziran odlazak na ekskurziju učenika tih razreda;
 - c) da podnositelj zahtjeva ili umrli

nositac prava na osnovu kojeg se podnosi zahtjev nemaju neizmirenih obaveza po osnovu dodijeljenih sredstava od strane Ministarstva za zapošljavanje/samo-zapošljavanje ili rješavanje stambenih potreba.

Član 11.

(Obavezna dokumentacija za dodjelu novčanih sredstava za odlazak na ekskurziju djece pripadnika boračkih populacija lošeg imovnog stanja)

(1) Obavezna dokumentacija koju dostavlja podnositac zahtjeva za odlazak na ekskurziju djece pripadnika boračkih populacija lošeg imovnog stanja jeste:

- a) dokaz o priznatom statusu lica iz člana 1. Zakona:
 - za korisnike lične i porodične invalidnine: rješenje ili uvjerenje o priznatom statusu izdato od strane nadležnog organa;
 - za djecu šehida i poginulih branilaca: uvjerenje nadležnog organa da je u svojstvu djeteta šehida/poginulog branjoca bilo korisnik prava na porodičnu invalidninu;
 - za demobilisane branioce: uvjerenje o vremenu provedenom u OSARBiH u trajanju od najmanje jednu godinu – obrazac FMB-3A;
 - za dobitnike ratnih priznanja i odlikovanja: uvjerenje nadležnog organa o dodjeli ratnog priznanja i odlikovanja;
 - za supruge umrlih demobilisanih branilaca: izvod iz ma-

tične knjige rođenih, izvod iz matične knjige vjenčanih, izvod iz matične knjige umrlih za umrlog demobilisanog branjoca po osnovu kojeg se ostvaruje pravo, uvjerenje na obrascu FMB-3A – izdato od nadležene grupe/samostalnog izvršioca za pitanja evidencijskih vojne obaveze da je umrli demobilisani branilac po osnovu kojeg se ostvaruje parvo bio pripadnik Armije RBiH najmanje 12 mjeseci;

- b) uvjerenje o kretanju za podnositca zahtjeva;
- c) dokaz da se podnositac zahtjeva i punoljetni članovi njegove uže porodice nalaze na evidenciji Službe za zapošljavanje Bosansko-podrinjskog kantona Goražde, ukoliko se nalaze na evidenciji Službe, ili dokaz o ukupnim mješevim primanjima podnositca zahtjeva i članova njegove uže porodice po osnovu radnog odnosa, boračko – invalidske zaštite, socijalne zaštite, penzije, samostalne djelatnosti i drugih osnova;
- d) rodni list djeteta;
- e) potvrda škole da dijete podnositca zahtjeva za koje se traži jednokratna pomoć pohađa završni razred osnovne ili srednje škole i da je od strane škole organiziran odlazak na ekskurziju učenika tih razreda;
- f) dokaz o visini troškova ekskurzije (potvrda škole, ugovor sa pružaocem usluga ili predračun);
- g) dokaz da podnositac zahtjeva nema duga po osnovu javnih pri-

- hoda izdat od strane poreske uprave ili dokaz da ima sklopljen sporazum sa poreskom upravom o izmirenju obaveza sa dokazima o urednom izmirenju obaveza;
- h) potvrda banke o otvorenom računu;
 - i) ostali potrebni dokazi relevantni za odlučivanje o pravu u svakom konkretnom slučaju.
- (2) Kao dokazi iz stava (1) ovog člana dostavljaju se originali ili ovjerene fotokopije dokumenata ne stariji od 30 dana, izuzev dokumentacije trajnog karaktera.
- (3) Ministarstvo će po službenoj dužnosti pribaviti dokumentaciju iz stava (1) ovog člana kojom se dokazuju činjenice o kojima se vodi službena evidencija.

Član 12.

(Definicija članova uže porodice)

- (1) Članovima uže porodice podnosioca zahtjeva prema odredbama ovog Pravilnika smatraju se: bračni ili vanbračni partner, roditelji, djeca rođena u braku ili van braka, usvojenici i pastorčad koji žive u zajedničkom domaćinstvu sa podnosiocem zahtjeva.
- (2) Vanbračnim partnerom iz stava (1) ovog člana, smatra se lice koje je kao takvo definisano Porodičnim zakonom Federacije Bosne i Hercegovine („Službene novine Federacije BiH“, broj: 35/05, 41/05 – ispravak, 31/14 i 32/19 – odluka US), a koje je svoj status utvrdilo u odgovarajućem sudskom postupku.

Član 13.

(Posebni uvjeti za dodjelu novčanih sredstava za prevazilaženje vanrednih okolnosti prouzrokovanih nesretnim slučajem ili elementarnim nepogodama)

Posebni uvjeti za dodjela novčanih sredstava za prevazilaženje vanrednih okolnosti prouzrokovanih nesretnim slučajem ili elementarnim nepogodama su:

- a) da postoje vanredne okolnosti koje, mimo njegove krivice, podnosioca zahtjeva dovode u posebno težak položaj;
- b) da podnositelj zahtjeva ne može izvršiti namirenje štete prouzrokovane nesretnim slučajem ili elementarnom nepogodom od strane drugih organa, institucija, poslodavca ili humanitarnih organizacija;
- c) da podnositelj zahtjeva ili umrli nosilac prava na osnovu kojeg se podnosi zahtjev nemaju neizmirenih obaveza po osnovu dodijeljenih sredstava od strane Ministarstva za zapošljavanje/samo-zapošljavanje ili rješavanje stambenih potreba.

Član 14.

(Obavezna dokumentacija za dodjelu novčanih sredstava za prevazilaženje vanrednih okolnosti prouzrokovanih nesretnim slučajem ili elementarnim nepogodama)

- (1) Obavezna dokumentacija koju dostavlja podnositelj zahtjeva za dodjelu novčanih sredstava za prevazilaženje vanrednih okolnosti prouzrokovanih nesretnim slučajem ili ele-

mentarnim nepogodama jeste:

- a) dokaz o priznatom statusu lica iz člana 1. Zakona:
 - za korisnike lične i porodične invalidnine: rješenje ili uvjerenje o priznatom statusu izdato od strane nadležnog organa;
 - za djecu šehida i poginulih branilaca: uvjerenje nadležnog organa da je u svojstvu djeteta šehida/poginulog branionca bilo korisnik prava na porodičnu invalidninu;
 - za demobilisane branioce: uvjerenje o vremenu provedenom u OSARBiH u trajanju od najmanje jednu godinu - obrazac FMB-3A;
 - za dobitnike ratnih priznanja i odlikovanja: uvjerenje nadležnog organa o dodjeli ratnog priznanja i odlikovanja;
 - za supruge umrlih demobilisanih branilaca: izvod iz matične knjige rođenih, izvod iz matične knjige vjenčanih, izvod iz matične knjige umrlih za umrlog demobilisanog branionca po osnovu kojeg se ostvaruje pravo, uvjerenje na obrascu FMB-3A – izdato od nadležene grupe/samostalnog izvršioca za pitanja evidencijska iz vojne obaveze da je umrli demobilisani branilac po osnovu kojeg se ostvaruje pravo, bio pripadnik Armije RBiH najmanje 12 mjeseci;
- b) uvjerenje o kretanju za podnosioca zahtjeva;
- c) dokazi o postojanju vanrednih

okolnosti koji podnosioca zahtjeva dovode u posebno težak položaj izdati od nadležnih organa (odлука nadležnog organa o proglašenju elementarne nepogode, zapisnik o nastaloj šteti, predračun/račun troškova za robe, rade dove ili usluge prouzrokovane nesretnim slučajem ili elementarnom nepogodom);

- d) ovjerena izjava podnosioca zahtjeva da ne može izvršiti namirenje štete prouzrokovane nesretnim slučajem ili elementarnom nepogodom od strane drugih organa, institucija, poslodavca ili humanitarnih organizacija;
 - e) dokaz da podnositelj zahtjeva neima duga po osnovu javnih prihoda izdat od strane poreske uprave ili dokaz da ima sklopljen sporazum sa poreskom upravom o izmerenju obaveza sa dokazima o urednom izmirenju obaveza;
 - f) potvrda banke o otvorenom računu;
 - g) ostali potrebni dokazi relevantni za odlučivanje o pravu u svakom konkretnom slučaju.
- (2) Kao dokazi iz stava (1) ovog člana dostavljaju se originali ili ovjerene fotokopije dokumenata ne stariji od 30 dana, izuzev dokumentacije trajnog karaktera.
- (3) Ministarstvo će po službenoj dužnosti pribaviti dokumentaciju iz stava (1) ovog člana kojom se dokazuju činjenice o kojima se vodi službena evidencija.

Član 15.

(Posebni uvjeti za dodjelu novčanih sredstava za pružanje pomoći osumnjičenim i optuženim bivšim pripadnicima Armije BiH u predmetima ratnih zločina do pravosnažnosti presude)

Posebni uvjeti za dodjela novčanih sredstava za prevazilaženje vanrednih okolnosti prouzrokovanih nesretnim slučajem ili elementarnim nepogodama su:

- da je podnositelj zahtjeva kao bivši pripadnik Armije RBiH ili MUP-a RBiH optužen u predmetima ratnih zločina;
- da protiv podnositelja zahtjeva nije donesena pravosnažna presuda za počinjene ratne zločine.

Član 16.

(Obavezna dokumentacija za dodjelu novčanih sredstava za pružanje pomoći osumnjičenim i optuženim bivšim pripadnicima Armije BiH u predmetima ratnih zločina do pravosnažnosti presude)

(1) Obavezna dokumentacija koju dostavlja podnositelj zahtjeva za dodjelu novčanih sredstava za prevazilaženje vanrednih okolnosti prouzrokovanih nesretnim slučajem ili elementarnim nepogodama jeste:

- dokaz o priznatom statusu lica iz člana 1. Zakona:
 - za korisnike lične i porodične invalidnine: rješenje ili uvjerenje o priznatom statusu izdato od strane nadležnog organa;

- za djecu šehida i poginulih branilaca: uvjerenje nadležnog organa da je u svojstvu djeteta šehida/poginulog branjoca bilo korisnik prava na porodičnu invalidninu;
- za demobilisane branioce: uvjerenje o vremenu provedenom u OSARBiH u trajanju od najmanje jednu godinu – obrazac FMB-3A;
- za dobitnike ratnih priznanja i odlikovanja: uvjerenje nadležnog organa o dodjeli ratnog priznanja i odlikovanja;
- za supruge umrlih demobilisanih branilaca: izvod iz matične knjige rođenih, izvod iz matične knjige vjenčanih, izvod iz matične knjige umrlih za umrlog demobilisanog branjoca po osnovu kojeg se ostvaruje pravo, uvjerenje na obrascu FMB-3A – izdato od nadležene grupe/samostalnog izvršioca za pitanja evidencija iz vojne obaveze da je umrli demobilisani branilac po osnovu kojeg se ostvaruje pravo, bio pripadnik Armije RBiH najmanje 12 mjeseci;
- b) uvjerenje o kretanju za podnositelja zahtjeva;
- c) dokaz o pokretanju istrage, podizanju ili potvrđivanju optužnice i drugo;
- d) dokaz o troškovima odbrane (ugovor sa advokatom i sl.);
- e) potvrda banke o otvorenom računu;
- f) ostali potrebni dokazi relevantni za odlučivanje o pravu u svakom konkretnom slučaju.

- (2) Kao dokazi iz stava (1) ovog člana dostavljaju se originali ili ovjerene fotokopije dokumenata ne stariji od 30 dana, izuzev dokumentacije trajnog karaktera.
- (3) Ministarstvo će po službenoj dužnosti pribaviti dokumentaciju iz stava (1) ovog člana kojom se dokazuju činjenice o kojima se vodi službena evidencija.

POGLAVLJE II - KRITERIJI I POSTUPAK ZA OSTVARIVANJE PRAVA

Član 17. (Kriteriji za određivanje visine jednokratne pomoći)

Kriteriji na osnovu kojih se određuje visina jednokratne pomoći podnosiocima zahjeva koji ispunjavaju opće i posebne uvjete utvrđene ovim Pravilnikom jesu:

- a) za vid prava iz člana 2. stav (1) tačka a) ovog Pravilnika, mogu se dodijeliti sredstva u visini od 30% prosječne neto plaće isplaćene u Federaciji Bosne i Hercegovine u prethodnoj godini, prema posljednjim podacima Federalnog zavoda za statistiku;
- b) za vid prava iz člana 2. stav (1) tačka b) ovog Pravilnika, mogu se dodijeliti sredstva u visini stvarnih troškova ekskurzije a najviše do 40% prosječne neto plaće isplaćene u Federaciji Bosne i Hercegovine u prethodnoj godini, prema posljednjim podacima Federalnog zavoda za statistiku;
- c) za vidove prava iz člana 2. stav (1) tačke c) i d) ovog Pravilnika, mogu se dodijeliti sredstva u visini do jedne prosječne neto pla-

će isplaćene u Federaciji Bosne i Hercegovine u prethodnoj godini, prema posljednjim podacima Federalnog zavoda za statistiku.

Član 18. (Razmatranje zahtjeva)

- (1) Razmatranje zahtjeva za ostvarivanje prava na jednokratnu pomoć sprovodi Ministarstvo u skladu sa odredbama ovog Pravilnika i Zakona o upravnom postupku („Službene novine Federacije BiH”, broj:2/98, 48/99 i 61/22, u daljem tekstu: ZUP).
- (2) U slučaju potrebe, ministar može imenovati ad hoc komisiju koja će izvršiti uvid na licu mjesta i utvrditi okolnosti koje mogu uticati na dodjelu sredstava podnosiocu zahtjeva, o čemu sačinjava zapisnik koji potpisuju članovi komisije i podnositelj zahtjeva.

Član 19. (Ostvarivanje prava)

- (1) Pravo na dodjelu jednokratne pomoći za socijalne potrebe priznaje se rješenjem koje donosi ministar.
- (2) Zahtjevi koji su neuredni, nepotpuni, neblagovremeni ili ne ispunjavaju uvjete iz Zakona i ovog Pravilnika odbacuju se ili odbijaju posebnim upravnim aktom, u skladu sa odredbama ZUP-a.

Član 20. (Izjavljivanje žabe)

- (1) Protiv upravnih akata iz člana 19. ovog Pravilnika može se izjaviti žalba u roku od 15 dana od dana dostavljanja upravnog akta stranci. Žalba

se može izjaviti putem Ministarstva Vladi Bosansko-podrinjskog kantona Goražde, tj. komisiji za rješavanje o dopunskim pravima branilaca i članova njihovih porodica u drugom stepenu.

- (2) Drugostepena rješenja su konačna u upravnom postupku i protiv istih nije dopuštena žalba, ali se može pokrenuti upravni spor kod nadležnog suda u roku od 30 dana od dana dostavljanja rješenja stranci.

POGLAVLJE IV - FINANSIJSKA SREDSTVA

Član 21. (Obezbjedenje sredstava)

- (1) Sredstva za finansiranje prava utvrđenih ovim Pravilnikom za svaku godinu obezbjeđuju se iz Budžeta Ministarstva.
- (2) Sredstva iz stava (1) ovog člana isplaćivati će se kontinuirano do visine raspoloživih budžetskih sredstava za te namjene u toku godine.
- (3) Isplatu odobrenih finansijskih sredstava iz stava (1) ovog člana vrši Ministarstvo za finansije na pojedinačne račune korisnika prava.

Član 22. (Osiguranje namjenskog utroška sredstava)

- (1) Lice iz člana 3. ovog Pravilnika koje ostvari pravo na jednokratnu novčanu pomoć za vidove prava iz člana 2. stav (1) tačke b) i c) ovog Pravilnika, obavezno je doznačena sredstva upotrijebiti shodno potrebama tr-

aženim u zahtjevu i u roku od šest mjeseci od dana isplate sredstava dostaviti adekvatnu dokumentaciju kojom dokazuje namjenski utrošak istih (relevantne dokaze izdate od nadležnih organa, fiskalne račune troškova za robe, radove ili usluge prouzrokovane nastankom otežavajuće situacije, ugovore, uplatnice i dr.).

- (2) Za lice iz člana 3. ovog Pravilnika koje ostvari pravo na jednokratnu novčanu pomoć za vidove prava iz stava (1) ovog člana, a koje u propisanom roku ne dostavi dokaz o namjenskom utrošku sredstava, smatrać će se da su odobrena sredstva utrošena nenamjenski čime gubi pravo na ostvarivanje jednokratne novčane pomoći za predmetne namjene u narednom periodu.

POGLAVLJE V - PRELAZNE I ZAVRŠNE ODREDBE

Član 23. (Primjena općih propisa)

Na sve što nije regulisano odredbama ovog Pravilnika, supsidijarno se primjenjuju odredbe ZUP-a.

Član 24. (Način izmjena i dopuna)

Izmjene i dopune ovog Pravilnika se vrše na način i po postupku koji važi za njegovo donošenje.

Član 25. (Tumačenje Pravilnika)

Tumačenje odredbi ovog Pravilnika daje ministar.

Član 26.
**(Stavljanje van snage
ranijeg propisa)**

- (1) Danom stupanja na snagu ovog Pravilnika stavlja se van snage Pravilnik o uvjetima, načinu i kriterijima za odobravanje jednokratne novčane pomoći za socijalne potrebe braniocima i članovima njihovih porodica Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 4/20, 9/21 i 2/22).
- (2) Danom stupanja na snagu ovog Pravilnika stavlja se van snage Pravilnik o uvjetima, načinu i kriterijima za ostvarivanje drugih prava u skladu sa posebnim propisom („Službene novine Bosansko-podrinjskog kantona Goražde“, broj: 8/22).
- (3) Sve radnje i postupci započeti prije stupanja na snagu ovog Pravilnika koji nisu okončani, okončat će se po odredbama Pravilnika iz stava (1) i (2) ovog člana.

Član 27.
(Stupanje na snagu Pravilnika)

Ovaj Pravilnik stupa na snagu danom dobijanja saglasnosti od Vlade Bosansko-podrinjskog kantona Goražde, a naknadno će se objaviti u „Službenim novinama Bosansko-podrinjskog kantona Goražde“.

Broj: 11-11-561-5/24 **M I N I S T A R**
14. 5. 2024. godine **Avdo Mirvić, s.r.**
G o r a ž d e

Na ovaj Pravilnik Vlada Bosansko-podrinjskog kantona Goražde je dala saglasnost svojom Odlukom broj:03-11-1064/24 od 10. 5. 2024. godine.

553

Na osnovu člana 23. Zakona o Vladi Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 8/15), člana 62. Zakona o dopunskim pravima branilaca i članova njihovih porodica u Bosansko-podrinjskom kantonu Goražde („Službene novine Bosansko-podrinjskog kantona Goražde“, broj: 2/24 i 3/24-ispravka), a u skladu sa članom 23. Pravilnika o finansiranju projekata i aktivnosti udruženja boračkih populacija na koji je Vlada Bosansko-podrinjskog kantona Goražde dala saglasnost svojom Odlukom broj: 03-11-734/24 od 4. 4. 2024. godine, članom 5. Odluke o utvrđivanju Kalendara obilježavanja značajnih događaja, datuma i ličnosti iz odbarbeno-oslobodilačkog rata 1992.-1995. godina u Bosansko-podrinjskom kantonu („Službene novine Bosansko-podrinjskog kantona Goražde“, broj: 4/23) i Programom utroška sredstava Ministarstva za boračka pitanja sa ekonomskog koda 614300 - Tekući transferi neprofitnim organizacijama, na koji je Vlada Bosansko-podrinjskog kantona Goražde dala saglasnost Odlukom broj:03-11-895/24 od 22. 4. 2024. godine, Vlada Bosansko-podrinjskog Kantona Goražde, na 76. sjednici održanoj dana 10. 5. 2024. Godine, **d o n o s i:**

O D L U K U
o odobravanju novčanih
sredstava na ime obilježavanja
„Dana zlatnih ljiljana“

Član 1.

Ovom Odlukom odobravaju se novčana sredstva u iznosu od **2.300,00** (slovima: **dvije hiljade tristo i 00/100)**